

OMUKUETU

No. 1

Januarie

1954



IMBILENI OMUENE EIMBILO LIPE Ps. 149:1.

Mepapudulo Kalunga ota paka mo momuntu eimbilo lipe. Tu taleni kanini nke la tja

Kalunga oje oKalunga kashili. Oje ita dulu okukala po opo pu jadi oipupulu. Ile ndi tje, ngenge ta kala po, oipupulu i nokupua po noiholekua i nokuhololua. Omunaipupulu oha fufja nomokuimba kuaje jo, ndele ne okuimba kuatjangaho kaku na eenkono dokuladipaleka ovantu, ahoue. - Kalunga ngenge ta mana po oipupulu nomakoto aeshe momuenjo uomuntu, nena okuimba otaku mono jo eenkono deimbilo lipe loshili.

Kalung' ohole. „Oshoka osho Kalunga okua li e hole uujuni oje a gandja Epona lje opo, shaa ngoka e mu itaale kaa kane, ihe a mone cmuenjo gaaaluhe.” Epangulo fimbo inali uja, Jesus okua eta ekulilo tete, omatimba etu a dimue po ndele oulunde u ha dule oku tu pangela vali. Heeno, kashimba hatu punduka natango, fje tu didilike kutja mufje vene ihatu dulu sha, ahoue, omu Kristus aeke. Ngenge u li mu Kristus, na Kristus e li mu ove, nena ove eshito lipe ndele to imbi eimbilo lipe, eimbilo lohole.

„Mu mbika ajihe tatu sindi nokusindilila omolua nguka e tu hoole”. (Rom. 8:37.) „Mbika ajihe” oishike mbela? -- Oluteni, ejeelu, ondjala, enota, okulundilua nokushekua, okulimbililua nokukukuta -- nomahongololo a ava vatatu: Satana nounjuni nombelela jetu vene. Tetetete omalimbililo e nokufindua, ndi shi opo ovatondi ava vamue ve liili va shunduke va ninge vanini. Ndele kape na sha shimue shi liili tashi dulu okufinda omalimbililo, ohole ja Jesus aike. - Ovafindani hava imbi ekandanga, ndele osho nafje jo otua teelua tu imbe imbilo lipe lefindano.

„Njanjukueni aluhe mOmuua”. (Fil. 4:4). Ehafo letu vene lihupi, ndele ne ehafo lomOmuene kali nehulilo nandenande. Onke hano ou e li mu Jesus, e shi kuimba jo eimbilo lipe lehafo.

Kalunga na nangeke nouputa omudo ou mupe, omaimbilo a ninge jo eenkono dipe. B. E.



Omuenjo guandje, hambelela Omuaa, no shaa shoka sha kala meni ljan-dje, edina lje ejapuki! Omuenjo guandje, hambelela Omuaa, ngoj' i-no dimbua uuanaua ua sha e u ku ningila!



Ongashi uuzilo kokule nuuninginino, osho ta kalekele kokule natse omajonagulo getu.

Ongashi ohe ta silohenda ojana, osho uo Omuaa ta silohenda omboka je mu tila.

P. 103: 1-2.12-13.

EGALIKANO LJOMOMUMVO OMUPE.

Kalunga kaaluhe, omunankondo adihe, omunene muudiginini, otatu ku hambelelele esilohenda ljoje ihali lunduluka! Ongoje to kala ngashi u li, nomimvo doje kadi na mpoka tadi hulu po. Ongoje Tate jetu nOmukulili guetu, osho edina ljoje okuza komacimbo gonaale. Ua tumu Epona ljoje muujuni no ue mu luku Omuhupici. Medina ndika ejapuki otatu heda ku ngoje tu ku etele omasimaneko nomahamblelo nomahempululo nomaindilo. Taamba esimaneko nehambelelo ndika, sho ue tu hololele oonkondo dedina lja Jesus nejambeko ljaljo momumvo ngoka gua ji. Ngashi ue shi pitike Epona ljoje a fukalekue no ue mu tula ngeji kahi jompango, opo e tu kulile mo megeelo ljompango, otatu ku indile: Fukaleka uo oomuenjo detu. Tu silohenda, opo pamue nomumvo omukulu tu ihule uo omuntu omukulu ngoka hi ijono po mokulandula uubalu hau fundjaleke, tse tu zale

omuntu omupe a shitua e kufe omuujuuki nomuujuapuki uashili. Tala, otatu juulukua eshito epe, moka ajihe to ji shitukica iipe. Tu shitila ano omuenjo omupe momumvo nguka omupe. Shitulula meni ljetu ombepo ompe ja ngungumana, opo okukala kuetu okukulu kuomuulunde ku hule po ngoje u kandule po ajihe mbjoka ji nondumbo nangoje. Tu kuaca tu konge tangotango oshilongo shoje nuujuuki uoje noku ku inekela u tu pe uo ajihe tue ji pumbua muujuni mbuka. Moramata joje mna njolelua omasiku getu agehe, manga ljetango ljomugo inali ja, nolja hugunina nge tali ja, nooramata tadi pandjua, tu kuaca omadina getu ga adike ga njolelua moramata jomuenjo. Otatu igandja ku ngoje naajihe tu ji na, nomalutu noomuenjo. Tu kuaca, Omuaa Kalunga, u tu uuvile omolu edina ljoje. Amen.

IINAKUGUANICUA JESIKU KEHE JEUVANENO LJEGALIKANO NEGALIKANENO.

Joh. 17.20,21.

Oshili tandi mu lombuele isheue: ngele jaali jo mu ne kombanda jevi ju'uuvanene sha no taje shi indile, otaje shi peua ku Tate megulu. Mat. 18:19.

Osondaha. Galikanena etaandelo ljongerki ja Kristus. Omuenjo guajo guopambepo, nuugumue uajo uomombepo Ondjapuki. Euvico ljoohapu da Kalunga li mone ejambeko, di tu jambekelue no di jambekelue egongalo ljaandjetu uo. Jak. 1:22, Joh. 17. 17.

Omandaha. Galikanena etumo ljopakriste. Oshilonga shetumo mokati kaapagani no kaajuda, omuulikitumio nomukuluntutumua, oshilonga shetumo tashi longua mokati kaakriste, aasitagongalo, aatumuahongi, ja peue uuladi uomombepo jetumo. Mat. 9. 38, 2Tess. 3. 1, Kol. 4. 3.


Etijaali. Galikanena egumbo noskola. Omagumbo naanegumbo, ooskola detu adihe (daanona, dosondaha, deshesho neko-leko, mugumbo uaakadona, daamati, daahungi jaavu, osemi-naari, okuuiki jaasitagongalo n. s. t.) aalongi aauambo naatu nualongi, aalelua naavalua. Jes. 24. 15, Ef. 6. 1. 4.

Etitatu. Galikanena ookuume naanezimo. Aashiinda jetu, naalongi pamue natse, ehekeleko ljaavu, oohepele, aakulupe, aannuuke, oocigua, aanuudigu naajehe jomiiponga. Oondohtora, aapangi jaavu nejambeko ljomiti. Hebr 13. 3, Ef. 6. 8.

Etine. Galikanena evi noshiguana shetu. Aakuaniilua, omalenga, aapangeli aakuuulongo, evi, nomaha gokukalua. Aauambo jomehalakano mUushimba, ejambeko neuvacano euanana miilonga. Esimaneko ljiimenka noonganga li teke po, iilonga ajihe ju uke pa Kristus. Jer. 29. 7, 1Tim. 2. 1 - 7.

Etitano Galikanena omagongalo getu nongerki ajihe kombanda jevi. Elongo lja jela, nuujogoki uoombepo, etililo ljombepo Ondjapuki miiljo ajihe ja Kristus, aapukululi naauiliki jOombibelingundu momagongalo niigongi jaagundjuka, Ooseminari, elongo ljaasitagongalo ediladilo limue momagongalo no mokati kaasitagongalo, kaatumuahongi nokaajakuli ajehe. Jer. 29, 1, 1Tess. 5: 12, 13.

Etihamano. Galikanena ngoje hambelela omolu ehulico ljoshiuike. Hambelela omolu uuanaua auhe nejambeko ljOmua, nefupipikuo lja zi koshipala sha Kalunga, sho e ku talica okuuuauudiginini kuetu noondjo detu, Indila edimo ljoondjo moonkondo dombinzi ja Kristus, ejambeko ljesiku ljevululuko nelaago mevululuko ljaaluhe. Ps. 51. 3, 1Joh. 1. 7.



OOMVULA NOOMUEDI NOMASIKU.

Otse aakriste ohatu jalula oomvula detu okuza kokuvulua kuOmukulili guetu Jesus Kristus, oshoka pamue naje okua tameke shili ecimbo epe ljesilohenda. Onkee tse otatu vulu okutja, otu na ngashingeji omumvo guesilohenda 1954.

Ihe muujuni omu na iiguana ojindji kaji neitaalo ndika ljuukriste. Ojo no taji jalula oomvula dauo pamikalo di ili. Ngashika ajuda mboka inaa itaala Krisus otaa ti taa jalula oomvula dauo okuza keshito ljuujuni, no pakujalula kuauo oja ciki ngashingeji komumvo 5714. Isheue aantu mboka haa simarieke Muhamed, oja tameke okujalula oomvula dauo okuza ketembu lja Muhamed shokua tembukile koshilando shontumba. Pakujalula nkuka aakuamuhamed oje na ngashingeji omumvo 1373. Moku-diladila omikalo dika di ili no di ili otu uvite naua, oshoka omukalo guetu ogu vule adihe dilue.

Kehe omumvo ogu noomuedi omulongo na mbaali. Omadina goomuedi dika ohaga tumbulua melaka ljoshikuulongo, onkee ojendji kaje shi shi shoka taga ti. Otse otue ga cigulula kaaroma aapagani, onkee omadina gamue oge noondunge doshipagani natango. Ngashi omuedi gua Januari ogua lukilua oshikalunga edina ljasho Janus. Februari tashi ti: omuedi guomajambo gejelico. Maart ogua lukilua oshikalunga shiita edina ljasho Mars. Mokujalula oomuedi aaroma inaa tameka mu Januari, aue, oja tameke aluhe mu Maart. Edina lja April lja fa li noondunge: okuziza, oshoka mu Europa omiiti adihe otadi tameke okuziza mu April. Mei ogua lukilua Maia, na Juni ogua lukilua Juno. Ajihe iijaali ojo iikalunga jaaroma. Ihe Juli ogua lukilua omukesari Julius, na Augustus ogua lukilua omukesari Augustus, ongoka a jalulica uujuni auhe u gandje oompale (Luk. 2:1).

Opo tua ti aaroma oja tameke okujalula oomuedi dauo mu Maart. Onkee September ogua ningi omuedi omutihejaali kuju. „Septem' otashi ti: hejaali. Osho uo oomuedi doka da hupu po odi nomijalu adike. Oktober tashi ti omutihetatu, November tashi ti omutimugoji na Desember tashi ti omutimulongo, nando pakujalula kuetu oguo omutimulongo nomutijaali nokuli.

Otu shi shi uo kehe oshiviike oshi nomasiku gajejaali. Nago uo oga lukua omadina gago momalaka gi ili no gi ili. Moshiuambo ohaku tiua uo: osondaha nomandaha. Omadina ngaka oge noondunge dashike? Otaga ti: esiku ljetango nesiku ljomuedi. Omolua shike? Omolu omikalo daaroma isheue. Ihe nomukriste uo ota vulu okuzimina edina ljosondaha, oshoka esiku ndjoka etango ljesilohenda olje tu pitile, Omuaa Jesus shokua jumuka mombila.

Petameko ljomumvo omupe otua guana shili okugalikana pamue na Moses, omulumentu gua Kalunga: „Tu longa shili okujalula omasiku getu, opo tu mone omuenjo gu noondunge.” (Eps. 90:12)

OOHAPU DAANANDUNGE.

Ino ikongela aluhe ondjila joje muene, aue, lamba ashike ndjoka to uulikua mujo.

Nge to aadika koshilonga oshidigu, shi longa tango, shi longa mbala, u shi longe naua ashibe.

Ngele ua longo oshilonga oshiuanaa, shi dimbua po, u longe oshikuauo shi vule shoka.

Eliko olja fomulilo: oljo omujakuli omuanaa, ihe oljo omuene omududu.

Ohoole jaa noshili itaji opaleke; oshili jaa nohoole kaji nekuaco.

Ngele ho ilandele unima ino ji pumbua, nena mbala u nokulandica po mbjoka ue ji pumbua.

Omuntu na kondjele oshinima sha jela e nomatati ga jela.

Oto ningi naua nge to kondo mo oohapu dika tadi popi egalikano moshifo shoje ngu di pungulile ando meni ljeEtestamenti ljoje, daa kane. No shaa esiku nge to ningi oandaha joje ino dimbua okugalikana nokugalikanena iinima mbika ja tumbulua muka.

Omuaa ne tu kuace Ombepo jegalikano.

OUNJUNI TAU HAPULA SHIKE

Administrator mupe kua lala oshilongo.

Ongashi „Omukuetu” e mu shivifile SuidWes Afrika la uufilua omupangeli mupe edina laje Viljoen. Paime administrator ou a fiki kuWindhoek ndele kua hovela okupangela. Ovanu vomuWindhoek esi ve mu tambula oje e va popifa naua ndele kua ti ngaha: „Ame omulumentu ou e hoole oilonga ihapu ndele ame muene nda hala okulonga nokudiinina; oso jo omunu kese na ninge; oilonga jomapja naji kale ponele jotete, oilonga jomina naji shikule noshoho oilonga okujuuleesi noku di pungula; ohatu pumbua ovalongi ovadiinini, ohatu pumbua eendjila dihapu diua, eenopa da tungika noso jo eendjila dokolutenda; ohatu pumbua ovanu va longua naua meeskola ve shi okulingila osiso ndele ve si ku diinina oilonga javo.” Ndele kua tuikile vaali nokua ti: „Ame haji njemata esi ihai siiva okupopja osinduisi ndele ne hai kendabala okulideula diva iva melaka olo ndi li uudite naua; kese tuu a hala okuja a popife nge, oivelo jeumbo lange taji kala inaji idilua po; oshilongifo siua sa kula si dule ajise ikua osho ohoole jokuhoola ovanu avese noshipa nokuli kashi nokutalua ile kashi nokujoolola omunu nomunu.” Nafje jo n„Omukuetu” ohatu mu halele enangeko nouputa la Kalunga.

O maumbo maua.

Oholomenda taji kendabala okukuafa ongunga ovanu vomoilando opo va siive okulitungila omaumbo maua auapala. Mosikefa soholomenda mu na ngaa oiponda 50000 ji fi kujandjelua ovanu ongunga. Oso ngaha ovanu ve si kuehena komeso.

Eestamba dipe.

SuidWes-Afrika tali ka mona eestamba deembirive dipe omafiku mahapu esi inaa pita po. Eedi dopama tadi longifua fijo dipe da njanjangidua.

Omuministeri Dulles

oje elenga enenenene mepangelo ljomuAmerika la Hangana. Oje kua uudifa mosiongalele sositufi seongalo la kula ndele kua ti: „Kape na epangelo nando limue olo tali siiva okuimba eengon devangeli nomuenjo ualuse. Osuana asise somuAmerika la Hangana si nokulinekelala Kalunga. Eitavelo lokuitavela Kalunga olo li neenkono da kula di dule oilongifo nouta ause mounjuni ou. Ofje tua hala okudiinina eendjovo odo dOmuene tadi ti: „Ha novakuaita ile ha neenkono ndele ne nOmepo jange oso Omuene Sebaot oje ta ti (Sakaria 4:6.)” - - Oso ngaha elenga a kula e si kulihupipika peemadi dOmuene. Onge hano ina hala okutuala osuana saje komungulo ile mosilambo senono loulunde.

Omalenga ve hoole okuilikana.

Meumbo lOiuahangano lomosalando New York, mu Amerika la Hangana omu na ondjuo jimue okuilikanena nokumuena. Eilikanondjuo la tungilua meumbo olo opo omalenga esi hava ongalele ko va mone okafimbo okuilikana nokumuena peemadi dOmuene osiongalele sokutokola oinima jounjuni manga inasi hovela. Ondaka ei ja dja ko taji ti eilikanondjuo olo ihali kala ouala ndele ne tamu hangika mo alushe ovanu ve hoole okulikalela.

Okambia ka kula nodula idju

ja endela koWindhoek no momikunda daso. Okua lokua eemaue da kula neengono. Omakende omaumbo mahapu a njonauka po ngaho. Meumbo lovakatoliki mua njonauka omakende 70 80. ile Eemaue da li di fike pomutue uomunue ua kula. - - Popipi nosasiona Upington omulaule uonumba kua hupifa esina lokolutenda la li keenjala li uile momulonga osesi la enda nga momeva odula ja loka neengono nde ja tula omeva mahapu ndele ja njonauna po onopa filufilu. Omunu uinja okua ingida neenkono inamu ja ko inamu ja ko noso ngaha esina la fikama nde la hupa. - - - Oso jo muJapan odula nomepo ja eta osiponga sa kula. Ovanu 180 va fja, omaumbo 757 a hanauka po filufilu nomaumbo 60000 a njonauka kombiga asike. - - - Eengono da Kalunga ngenge tadi hovele okulonga omunu iha dula sa. Omunu noinima ajise jaje taji hanauka po seke.

Omuministeri omuenglisa ta ti ngahelipi?

Elenga a kula muEngland edina laje Fyfe, okua uudifa moshiongalele sovanjasa somuLiverpool no kua ti ngaha: Omualu uovalongua vomeeskola dosondaha esi ua hovela okusunduka omualu uovakuatua vomeendolongo ua hovela okutana neenkono.

Ombedi ji li peni? Ojei! Ovanu esi va kanifa eendjovo da Kalunga mounjasa no mounona ndele va ekelasi omapukululo ado, oso ngaha tava ji pombambo ndele hava ningi esi va hala ndele tava ningi ovakolokosi.”

Korea.

Oita esi ja kuka muKorea epapuduko la mona omiito okuhita mo momaumbo mahapu ovakorea. Ovanu vahapu hava ongalele eendjovo da Kalunga nde tava kongo esaso va ninge ovakriste vasili.

Nepal

oso osilongo somuIntia si novanu omamiljoni 7. Osilongo oso osa kala sa patua neengono naale nomutumua nando umue uevangeli ina uapa okuja mo. Ndele ne paime epangelo losilongo oso la hala okuifana ovatumua ve uje mosilongo oso. Oso ngaha oiveelo ipe taji jeuluka taji landulafana kombinga nombinga jounjuni ou. Omepo ja Kalunga taji longo neengono.

Japan

osilongo oso tue si hepaulula luhapu numbi sa hala eendjovo da Kalunga opo ovanu va hupe ndele opo va mone omiito okuehena komeso. Oso nga omusamane Brunner, oje omuprofessori a tumbala nomulongi ongulungu okua ifanua a ka longe moskola jokombanda omalongo obimbeli opo a pukulule ovanjasa novaneendunge vomuJapani okuufa okukala kuavo pandjovo dOmuene. Cvajapani ovaneendunge va dimbulula ovanu ngenge itava mono omiito va longue momalongo makuakriste, osilongo asise nosiuana asise tasi hutuka ngaa.

Mott ota ti ngahelipi?

Omutohthora Mott kua enda lutatu mounjuni ause nokua ti ngaha:

Esi nda ninga oluendo luanga lotete no nda aluka keumbo nda ti: ohatu pumbua paime ovahongitumua 40000. - - Esi nda aluka lutivaali nda ti: ohatu pumbua paime ovakuafi novakuatelikomeho vahapu vadaleluamo. - - Esi nda aluka paime lutitatu ohai ti: ohatu pumbua ovatumua vahapu novauliki vahapu vadaleluamo ndele ne tetetete ohatu pumbua Omepo Ijapuki mosilonga esi sevangeli.

Jugoslavia

oso osilongo simue mu Europa no sa talua sa fa sa lalua koukuakommunismi ndele ovanu inava hala vaali vati oukriste. Ndele ne paime ovanu avese esi va jalulua mosilongo oso ndele va pulua jo ngenge tava itavele Kalunga, ovapuli va haluka neengono. Osike? Osesi ovanu 87 movanu efele va njamukula: heeno tua hala okuitavela Kalunga nde tua hala oku mu kalela. Oso ngaha ovanu va dimbulula: kese ou ta efa Kalunga nde ta kalele ounjuni ou omuenjo uaje te u tule pokakangua kongaho.

Ovambo hava tuka.

KuOranjemund kua dja ondaka taji ti ngaha: „Onena odila otete, Dakota, ja eta ovambo 30 va dja kuGrootfontein. Ova enda eetundi 3 netata asike. Odila ojo ja suna vaali kuGrootfontein ndele ja tuala ovambo 24 tava suna kosilongo. Ovambo ava avese va enda ngaa modila va peua edidikodimbulukifo olo onane tajituilikua kombaikifa. Ovambo inave liudite nande naji modila ojo ndele va hafa ngaa asike esi va mona omiito okuendelela neengono.

Omubisofi mondolongo

Osilongo saKiina sa lalua kovakuakommunismi. Onge hano ovakriste avese hava teuateua ndele hava idililua mondolongo. Noso jo omubisofi Kowalski omuamerika. Oje omukulunu ndele kua kala mondolongo efimbo la koja eedula 2. Paime kua manguluka ko no kua hepaulula numbi oje kua li nokukala omutumba efiku alise mondolongo inini ina siiva okulinjenga nande kanini. Oufiku a nangala pedu li he na sa neemuku de mu hepeke. Omahepeko a tja ngaha taa ende moukuakommunismi saa opo tau fiki.

Oso si nokuningua osesi eendjovo da Kalunga tadi ti ngaha: „Ndele otamu tondua ku avese moluedina lange. Ndele ou ta diinine fijo ofijo je ota hupifua. Ndele ngenge tave mu taataa mosilongo simue, indeni onapo ku sikua” (Mat. 10:22-23). Eujo lOmuene oli lipopepi sili nepangulo la huunina tali kongola nokuli poiveelo jetu. Ngeno ovambo jo va mone omiito okupasuka!

OKAANDJETU

OMUKUETU TA HALELE AALESHE JE AJEHE OMUMVO OMUPE GU NEJA- MBEKO LJOMUUA.



EUI LJOMUMVU.

Uuvu otau kanica oonkondo dolutu luomuntu nomadiladilo uo. Osho tuu eui lje tali shonopala ngele ta popi. Osho uo okuuya ko kue. Oje ina hala uo ekudilo ljaahungi mboka je mu kalela. Ihe nando omumvu a kanica ajihe mbjoka a li e ji na manga a li a kola, oku na sha tuu oshinene noshiuanaua. Osho shi: Ombepo je taji cikama pehala limue alike. No taji kala ngashi ombapila ndjoka inaji kola, ngele ombepo taji denge noonkondo, ombapila taji tameke okuinjenga uo noonkondo. No ngele ombepo taji denge no taji pepe kashona, ombapila uo taji injenge nombili. Osho uo ombepo jomumvu ji li po, ngele ta alukililua, a fa e li naa naa pokusa. Omakudilo, nomaujagano gaahungi taga denge naji ombepo ja nakuehama. Oluindji oonakuhunga ngele je li pomumvu guauo oja popi, mokule kashona, opo aniuu ji ikoleke jaa kuatue nzija koluhodi. Eeno, oshopala nga, ihe andola ha pondunda ndjoka ji na omumvu. Aataleli po uo ja kume ngoka ta alukua sho je ja po, jamue haa icana omumvu: „Nima“ ou uhala po tuu? Kalunga ou mu shi tuu? Nenge, taa ti: „Oto kondjo tuu“? Eeno, omolu omapulo ngaka gaanakutalela po, omumvu ngele e na uunkondo natango uolutu, ota vulu okujamukula epulo ljoje: „Eeno, ondi mu shi.“ Ihe ngele oonkondo dolutu da pu po sheke, nando ou mu igide neui ljomokule, aje ee, oje ite ku uvu. Ihe, opu na ngoka omumvu ta uvu eui lje, Oje Omuaa guaaau, Omukuaniilua guaakuanilua, oJesus. Oje ngoka a hala a popice omumvu, ihe oluindji aavu jetu tue ja kudile jaa uve ko eui lja Jesus. Oluindji tua lilica uo ombepo jomumvu guetu, nekudilo ljetu. Tu didilike ano naua omukuetu, omumvu ota pumbua okupopicua neui lja siluka (ljopevi). Satana osho ta kudile ombepomuenjo jomuntu, opo omuntu ka uve ko Jesus sho ta popi. Ihe tu didilike uo naua omukuetu, satana a hala oku tu etela ekudilo muokolele uolutu uo, ha muunkundi amuke uolutu. Oluindji ngele tua kola ihatu lueda okudimbua uufupi uomasiku getu, ngoka ge vulike komushila guoshikombo. Onke ano omacimbo agehe ngaka gaali, ljuukolele no ljuunkundi natu kalele ngoka a peua omapangelo agehe. Mat. 28:18.

kOmukueni
Tomas Shindongo.

AAHALICI JOMUKUETU.

Ojendji jomune omua kondjo naua shili nomua halica iifo ojindji. Ndangi kune amuhe. Ihe kondjeni ngaa natango tuu. Kehe ngoka kua landica iifo 10 nenge ojindji ji vule mbjoka ota ka mona ondjambi je oopresenti 10 miifo mbjoka kue ji landica.

Niilja taji ziminua uo. Oshifo shimue tashi pula iilja omakopi omulongo (10). Ihe iilja oji nokukala iuanaua ji shi okuliua.

Ihe kape na ngoka guomune a landica Oshihohela nenge Ehangano. Otashi pula ocilinga jimue nenge iilja omakopi gatanano (5). Landiceni ano Ehangano uo uunene kaalongi. Omulongi kehe a hala ndi shi, okuilandela oshifo sha uo jene.

Ngele pe na ngoka ina mona uukalata uokutsejicila omualu guuifo nenge iimaliua, natu shi tsejicilue opo tu mu tumine ihe uukalata noombapila domadina.

Kaleni mu shi shi oshilonga shika shokulandica Omukuetu nEhangano osho oshilonga oshinene shokutaandelica oohapu da Kalunga no shi na uo ejambeko ljoMuuu.

Nuumvo nguka OMUKUETU ote tu paluca uo nuunongo ui ili no ui ili kehe monomeri kepanja etijaali kombinga ndjoka jomeni.

No ngahsi mue shi dimbulula nokuli monomeri kehe tamu tsejicilua uo iinima ojindji ja ningua miilongo jokokule.

Ano kehe ngoka a hala okukoka moonduge nometilo ljoMuuu ne endebele okuilandela OMUKUETU nEHANGENO.

Omulandici guuifo heka omukeni okuilandela iifo mbika.

Kundueni nombili KOMUKUETU.
Kuushimba iifo mbika taji landua ngeji OMUKUETU 2/6 nEHANGENO 1/6.

kOkaku

Lasarus An akali a si 13. 11. 53.
Marta Relabeam a si 9. 11. 53.

kOshitaji:

Lukas lu Iлека a si 30. 10. 53.
Elina Mundjele a si 30. 10. 53.
Saara Uusiku a si 14. 10. 53.
Ester lja Josef a si 23. 9. 53.
Ester lja Amakali a si 8. 10. 53.
Leonard ja Tomas a si 11. 10. 53.
Hilja ja Kiiga a si 20. 10. 53.
Helena Jendjamba a si 12. 11. 53.
Monika Filemon a si 18. 11. 53.
Fabian Marttin a si 1. 12. 53.
Dorotea David 29. 11. 53.
Jason Sijanga a si 6. 11. 53.

kOnguediva:

Linea ja Efraim Tomas a si 22. 10. 53.
Selma Naujoma a si 24. 10. 53.
Uilika Hosea a si 10. 10. 53.
Teofilus Andreas a si 2. 11. 53.
Emilia Helao 7. 11. 53.

mEndola:

Hileni Hikokua a fja 25. 8. 53.
Natael Simeon a fja 31. 3. 53.
Marta Haikuti a fja 2. 9. 53.
Simon Hipandulua a fja 16. 9. 53.
Rebekka Hiimule a fja 17. 9. 53.
Ndahekelekua Petus a fja 23. 9. 53.
Rakel Hengono a fja 18. 9. 53.
Tueikelao Josef a fja 29. 9. 53.
Levi Gideon a fja 29. 9. 53.
Rutu Matatias a fja 3. 10. 53.

kOniimuandi:

Hileni jililonga a si 4. 10. 53.
Ester lja Emvula a si 16. 10. 53.
Luise ja Mutilica a si 18. 10. 53.
Aune ua Jason a si 21. 10. 53.
Suoma Netumbo 9. 11. 53.
Taimi j'Araham a si 9. 12. 53.

kOlukonda:

Justina Nangula a si 4. 9. 53.
Albertina Amutenja a si 4. 9. 53.
Klaudia Pinehas a si 5. 9. 53.
Josafat Shigueda a si 16. 9. 53.
Priskilla Iijambo a si 20. 9. 53.
Job Kandjimi a si 27. 9. 53.
Evelina Nuunjango a si 4. 10. 53.
Selma Lugambo a si 9. 10. 53.
Barnabas Maji a si 22. 10. 53.
Martta Shikongo a si 26. 10. 53.

kUukualudi:

Sakaria Iipinga Benjamin a sile kUushimba 10.9.53.
Ester ja Nkandi a si 18. 10. 53.
Vilhelmina Gabriel a si 21. 10. 53.
Filipus Itika a si 21. 9. 53.

kEnana:

Kolncrius ja Mungandjela a si 19. 11. 53.
Martta ja Ndahomenua a si 21. 11. 53.

kEdundja:

Viktoria Sikangala ja Simon Sikangala a fia 11
9. 53.
Martta Nitania a fia 28. 9. 1953
Nehemia Silongo a fia 6. 11. 1953
Timoteus Ndeshikeva a fia 18. 11. 1953
Tomas Shipopjeni a fia 16. 12. 1953
Filemon ja Erastus Mumbala a fia 30. 8. 52 a fi-
la koushimba.
Lea Ndinelaou ja Shipahu a fia 25. 2. 53.